

詩

虞廷命夔典樂詩以言志歌以永言此詩歌所由昉也於後太史陳以觀風李札聞以論樂其用亦大矣哉漢唐以還由樂府而變為五言七言格律之嚴尤以唐代為最盛詞創於六朝亦詩歌之變體也清代易詩歌為試帖限以韻數而風格轉卑近又有詠新詩者不限字不拘韻洵風雅中自由之趣事開原人文朴拙以詩歌名世者罕見其人然性耽吟咏唱和往還之作亦時有之惟寫影抒情僅屬文人雅趣不得復以文理相繩爰搜羅而分記之

七古

明

登開原北城

黑水城頭二月初寒氣慄烈猶侵膚百年蹤跡難到此憑高極日聊斯湏邊垣相去四千里近垣無復耕與芻連年外夷敢深入赤子半為其所俘堡城雖設常晝閉有出顧聽如

開原縣志

卷十二

藝文

詩

一

開原驛文英印刷局印

冰狐但見黃沙漠漠鳥飛落青山黯黯雲模糊北關迢遞幾千里控引入貢諸東胡嗟哉此本肅慎地古今割據名稱殊女真於此建大號遂入中原窺大都蹙遼驅宋勢莫敵二帝北去遭囚拘南渡君臣竟無策五國城上遊魂孤俯仰今古增感慨祖宗混一前所無當時神武如雷霆孰敢攘臂當天誅如何承平百年內虞廷惟有文德敷遂令見德不見威烽火時警煩廟謨他邊受敵惟一面此獨三面俱敵隅孤懸境外機上肉誰能長磔焉與烏寒風蕭蕭日欲暮戰骨多少埋青蕪遊魂旅魄久漸盡戍更細問歸來夫九重天子念疆土及時須為窮邊圖

清

高宗御製柳條邊

乾隆十九年

西接長城東屬海柳條結邊畫內外不關阨塞守藩籬更匪春築勞民億取之不盡山木多植援因以限人過盛京吉林各分界蒙古執役嚴誰何譬之文囿七十里圍場豈止逾倍蓰周防節制存古風結繩示禁斯足矣我來策馬循邊東高可踰越疏可通糜鹿往來





外時獲其設還與不設同意存制具細何有前人之法後人守金湯鞏固萬年清詎繫區區此樹柳

恭和御製柳條邊元韻

劉 綸

寫奕黃圖肇遼海海山襟帶真無外一綫緣邊折柳條版鋪不煩人力憊四十八部屏藩多瓜期戍卒鈔經過徑如設恆圍設葺復墻恭謹當如何吉行五十日計里伊屯英峨奚翅蕪遠勢兼聞控句麗在德不在險明矣諷辰軼舍爰自東元菟古郡遙相通郁葱佳氣攬前旆新豐鷄犬將毋同絕域梯航况時有巖疆不藉金湯守敲鑼齊吟出塞篇鞭絲青度關門柳

恭和御製柳條邊元韻

汪由敦

關左帶江襟溟海王迹聲靈託無外郊圻申畫示藩維休養承平息勞憊邊門縈繞柳條多疎如列柵眉纔過蒸土鑿山恐未固立木所禦能幾何自北而東幾千里九邊雄要什且蕪重門擊柝豈其然聖有金城斯是矣鸞旗行秋指大東伊屯誅蕩吉林通林開陸海

開原縣志

卷十二

藝文

詩

二

開原驛文英印刷局印

見窩集源溯星潢接混同笑指邊墻原舊有緬想陟原思繼守請同崖口峙豐碑

木蘭有崖口詩勒

御製入石山上萬葉春光墻上柳

恭和御製柳條邊元韻

金德瑛

金湯設險資山海往往其間分內外備胡二策費經營盛世猶嫌甲兵憊我朝制馭利最多時巡秋獮來經過諸蕃一視皆臣子彼此相狎無云何邊人蕃人似鄰里貿易熙攘利倍蕪乾坤度量不冒之雀鼠爭嫌亦微矣行依柳色東復東麕眼疎籬面面通外邊策遂裏邊見歡笑和答將毋同豐亨悅預占年有天子有道四夷守古來辛苦築長城何如植此柔枝柳

滴溜石

知縣 姘 色

關門山北嶺嶺岼奇峯高出雲漢上怪石縱橫起烟嵐虬松古木盤霄壤豈是巨靈擘岡巒側臥圓石約數丈斜倚巖巔墜欲推山精虎豹畏若盪不知特立幾千秋野老居民羣玩賞一人撼之欲動搖百夫相拒失憑仗疑從靈鷲早飛來遙鎮河伯龍岡象詎知天意



善乘除神工鬼斧曲安放土人怪其類提携命名髣髴滴溜樣

垂珠洞

知縣 德克精額

上清河陽象牙山西望龍岡百餘里中有古洞極幽深由來莫能窮其底洞口石几有仙  
碁碁罽井井并碁子樵夫疑是爛柯山遙見二叟居其裏携斧奔走亟尋踪迷却仙踪嘆  
無已吁嗟乎武陵漁父歸何處洞口桃花猶在邇白雲片片起封中化鶴無語成逝水芻  
蕘偶戲未必真仙靈信有豈無以至今垂珠洞中石宛然洵足載青史莫笑野人語齊東  
自昔傳聞盡如此

榮京兆尹閱城至開恭迎命賦

幹 濟

東風料峭暮春天黃龍岡勢壓雄邊冰餘乍消河餘凍桃未見華柳無煙我今宦遊淳樸  
地爲貧而仕同硯田公餘蕭寺兀然坐暮鼓晨鐘香火緣豈有文章傾三峽豈有豪興飲  
百川生涯墨池消魔障有時謀醉學逃禪牙吏傳呼按部至報云吾師來旬宣整理冠帶  
發狂喜敝車羸馬類乘船南村迎拜望顏色頓覺茅塞澄重淵握手叙別唾珠玉挑燈話

餘索詩箋撚斷微鬚忘近作惟答囊中剩酒錢座上嘉賓環相顧誰識我拙歷有年非欲  
談諧冒混俗非欲謙退妄乞憐驅鼠飲河果腹耳敢云古愚肖先賢晨光啓戶正拈韻暖  
日鳴禽奏管絃折節降臨師戾止前驅逐隊列寺前相接莞爾只一笑天空海闊察魚鳶  
鳶飛魚躍具妙道筆可生花舌吐蓮自昔推敲傳韻事賤子無能望浪仙

朝陽寺

邑進士 郝 瓌

梅家寨後接崇山峯巒疊起如仙洞山凹宕出五層坡瓦礫成堆無可控朝陽寺在四層  
中內有古井圓似甕井深數丈水清寒凜冽三峽相伯仲羣峯夾寺水潺湲汀淙一似笙  
簧弄查梨桃杏密森陰野鳥山禽相喧哄有欲覺時聞晨鐘陡然喚醒幽人夢長嘯一聲  
豁心神空谷足音如鳴鳳

臥龍潭

知縣 燕 都

尙陽堡外東南路孤峯嶺帆插雲霧屏開青翠映寒潭峯頭瀑布懸如注勢同渴鹿奔潭  
心潭底臥龍威而怒淵深莫測驪珠宮似有山靈相呵護海神廟塑山之巔對聯顯赫神



威露陰晴恰自禱祝來家人父子渾如晤土人淳樸賴神靈神靈亦自憐呼籟

五莊觀

知縣 德 福

官糧窖左東南山古道曲盤逼霄漢殿宇閨闕道院深匾額高懸五莊觀層巒羅列擁飛泉一縷銀光珠玉貫澎湃直瀉在巖巔名山瀑布真堪冠臨流節取一勺多味甘如飴茶鐺畔排闥一望絕塵凡心目豁然如冰炭清淨無爲仰彌高誕登何時到彼岸

民國

啄兒心一遣人奉上鯉魚一尾喜留諸同事共食因

賦此以誌其事

邑歲貢生 王毓琪

郭外西南四十里故鄉不見隔雲水家書雖可寄郵亭聚首終難長彼此自歎絲絲髮已霜臨風眺望常徒倚欲借藏醪消我愁客居又苦無甘旨忽得平安竹報來投自家山新驛使鞠躬奉上筐筥香內盛三尺河之鯉嚮午呼童竈下烹特許同人動食指秋風蕙繪松江鱸入口鮮肥差可比觴政行過酒意酣餘味流芳滿長几咸云校長有佳兒迢遞養

開原縣志

卷十二

藝文 詩

四

開原驛文英印刷局印

親猶尺咫一味盤殮方寸心蔬菜猶甘况肥美今霄有酒又有穀不可無詩冷人齒詩成免罰金谷杯餘懷不忍忘橋梓老親何以示恩慈賜之訓語封函裏希望家人體我心事親養志學曾子

過朝陽寺

中學教員 王鴻猷

朝陽山寺古復古蒼蒼暗鎖霞千縷摩天壁峭不矜高凌風疑是登天姥春夏之交遊人多附葛攀藤難步矩傳有仙人居其中癯顏古貌珠冠羽仙人來時跨丹鶴指撥白雲揮犀塵迎風擲落瑪瑙盤化作交柯珊瑚樹玲瓏四幅紋綉屏光華奪射珠宮府更有袈裟垂琉璃一展貝葉飄紅雨遠邇薰沐拈香祈福壽嗤彼凡濁愚頑皆糞土只此無緣仙人乘鶴去但看森森喬木封梵宇

四月雪

民國十六年三月十六日立夏  
二十七日降雪故賦此以誌之

附生 高毓岱

三月末旬交夏節布穀催耕鵲泣血一朝雲黑北風寒遍地紛紛降大雪紅塵倏變白塵埃銀粧世界玉樓臺一堆兩堆柳絮擁千樹萬樹梨花開我正讀書在東閣身覺嚴寒裕



衣薄忽覩院中粉蝶飛疑是玉女天花落紅妝粉抹海棠霞柳眼青冷著玉蕖畢竟天公  
巧戲彩能開頃刻六出花肅氣侵凌傷萌稼詩人吟之農人怕吟者何歎怕何愁造物無  
心聽運化翠含烟霧景難描淺黛瓊英露麥苗絕妙一枝摩詰筆勝他雪裏畫芭蕉看來  
世事皆此如一時榮華不足譽雖經雲氣送將來却被太陽收拾去七律

明

開原道中

時所歷頗饒沃第三面阻夷而垣塞傾圯  
非設險守國之義矣君子有杞人憂馬

李 輔

北望川原野色平長風竟日撼邊聲烟村雨足農相問江樹雲迷水自縈萬里關山開禹  
甸九夷豺虎隔秦城莫言設險非長策縛虜何人解請纓

開原道中

溫景蔡

暑雨炎蒸出帝京風霜搖落歷幽營一天秋色疑戈戟萬里虹光引旆旌咫尺山河分內  
外須臾雲霧幻陰晴行瞻遼海寒雅度忽見烏桓款聖明

開原郊外

李承勛

開原縣志

卷十二

藝文 詩

五

開原驛文英印刷局印

融融春色課鋤犁絕塞孤危強自支獨喜連城同復旦正逢明主中興時澤消積雪鴻初  
集簾動微風燕未知忽報呼韓來納款人心原不隔華夷

閱開原城

周斯盛

雉蝶連雲峙北陲層山如戟界華夷萬年控制梯航遠千里孤懸虎豹隨漠漠長風吹戍  
壑蕭蕭落日擁旌旗茅檐未息邊頭燧在顧時勞聖主垂

清

朝霞擁塔

知縣趙允昌

遙望浮屠插碧空晴霞擁護倍玲瓏層層寶鏡朝含彩面面風鈴曉映紅影射曦暉數里  
外光凝烟火萬家中傳言舍利深藏處猶見禪師妙用洪

清河夜月

典史周浩

獨上城樓望渺茫山連夜月晚蒼蒼仰觀皓魄憐孤影俯瞰澄波入大荒流水無心留宿  
漲白雲有意映晴光故園多少登臨處遙指疏星思更長



蓮渚春寒

知縣 王克家

橫塘千畝水清淪無限冰荷不染塵花對邊城炎亦冷渚臨牧野夏如春淡粧非爲含  
異素質偏宜解語真猶愛初秋寒露滴蓮房墜粉一何新

因公之松山過伊尙書祖墓偶作

知縣 明 亮

攀龍附鳳毓動奇鏡水環山太宰基國戚豐碑光日月名臣盛蹟入歌詩佳城鬱鬱堪千  
古風木森森擅一時開邑楸林瑩不少誰將遺烈動謳思

金線河灣

知縣 萬如濟

金線河西出水關招提門外任回環春風好鳥啼深樹夏日遊人醉淺灣萬縷垂絲青細  
細一條宗派碧潺潺時聞遊客歌堤畔檀板輕敲釣渚間

飛來仙石

知縣 蘇爲正

競言古刹墜仙石何處飛來耐所思鍊補疑從天上落鞭驅或向海中移談經點額非無  
以悟道成羊信有之體秀機圓那得似西湖靈鷲一同奇

乙未小陽月過伊尙書墓夜宿松雲寺偶題

知縣 沐 翰

誰言舊跡落荒烟占盡扶餘一洞天兩面青峯朝象岫中間翠澗引龍泉千年風水歸先  
墓萬代林坵對古禪最是巖前笏版象於今猶喜上人傳

蓮渚薰風

生員 用維墉

田田蓮葉引薰風夏日開花遠渚中溽暑消時搖蓋翠淤泥淨處澣衣紅竹修塘北芳堪  
挹琴撫池南曲未終香氣飄來遊客醉筒杯全是碧烟籠

線河煙柳

周 鐘

古刹河灣起瑞煙紋成金線柳條牽鶯梭織去絲千縷燕剪裁來水一川綠繞橋頭常漠  
漠青縈波面自涓涓風吹縐縠隨流細黛染春溪雨後天

榴城簇錦

恩貢 王思明

望中爛漫渺無垠踏徧芳城榴色新翠萼遙分邊塞豔朱華不讓洛陽春漫誇織錦鶯梭  
巧且喜裁紅燕剪頻南枕清河聽滾滾携筇應是看花人



清河夜月

附生 王思禮

清河環繞古城流萬里荒煙接素秋兩岸淡籠漁父火一輪低壓客人舟波連銀漢珊瑚  
玉光射龍宮滾滾落惆悵鬢翁何處所至今水月問誰遊

線河煙柳

舉人 姚 桐

河流一線碧無邊弱柳低垂兩岸煙錦浪分開新絮落炊痕鎖住小琴眠腰籠薄靄逢人  
折眼展清波送客圓到此移情詩境遠兩餘風定早春天

蓮渚薰風

前 人

香蓮滿渚淺深同別樣花開別樣紅直出波頭迎曉日斜從水面盪薰風當樓一曲琴調  
後隔岸千竿竹引中漫道淤泥能染得丹心不改仰天工

花露臺

生員 李 敬 先

萬紫千紅畫景開香生驛路有高臺兩姻鬪富爭花露四境觀光踏草來未置黃金招國  
士忙陳白玉隔鄰媒雲橫故址餘殘照孰若登春徧九垓

松山象笏

生員 韓 鎮 三

重巒卓立插雲間疊疊松林疊疊巒象笏排空擎碧落虬枝滿樹鎖深山朝天片石龍鱗  
護近日層巔塵尾環如此蓬萊開勝境巖頭昂欲列鸞班

清河夜月

武生 武 光 斗 山西太谷

也曾折宕也曾流河月雙清趁夜遊句咏瀏其還渡口聲消款乃靜灘頭紋移水面知平  
穩影到波心任去留爽氣宜人看不厭貪眠豈肯學沙鷗

清河夜月

拔貢 段 雲 峯

河水洋洋月一輪關門緊閉散閒人文章到此方和岸晝夜如斯莫問津玉練塵消空色  
相銀蟾光射淡星辰沙鷗難解其中趣任爾貪眠古渡濱

清河夜月

縣承 劉 興 邦

水繞城垣夜已幽更兼皓月恰當頭星移數點光微映堞入中流影倒收岸隔漁燈時隱  
約奩開寶鏡任沉浮清華不讓松風趣勝似良霄秉燭遊



贈管際翁先生

生員李芝雲

洗心堂上笑言親同作芸窗誦讀人每恨鴻泥分踏雪又欣鴿硯共磨春情深詩酒緣投契交訂琴書亦夙因結伴與君曾有素蘭之氣味竹之筠

春日郊行

前人

山南山北路迢迢無限春光似畫描燕剪裁紅桃帶笑鶯梭織綠柳含嬌鳥鳴坐聽宜中谷人語借歸過短橋道是郊原風景好杏花村畔酒挑挑

秋日偶成

前人

倏忽西風又一年秋來到處換雲烟澄鮮碧水流無極明淨青山住有緣斷續粘聲村樹裏蕭疎柳色夕陽邊人間添得幽閒景鴻雁飛來字滿天

何鐵生太史工詩善畫奏疏皆中肯綮出守揚州卒於任因

爲詩弔之

良弼

聞道循聲汲黯尊揚州夢覺脫塵根才名久已超蓬島讜論偏能壓諫垣萬樹官梅留畫

開原縣志

卷十二

藝文 詩

八

開原驛文英印刷局印

本二分明月弔詩魂遙知二十四橋邊路無數甘棠灑淚痕

古意

前人

流年似水負良辰獨守蘭閨又幾春錦字雖裁空寄恨金錢欲卜總傷神花開添得腮邊淚鳥語驚回夢裏人愁倚翠樓欄畔望塞垣何日靖征塵

九日與農曹同寅讌集龍爪槐偶成

前人

潦倒金臺已半生登臨猶復意縱橫避災恍入華胥境酌酒懽同粟里情兩本疏槐銜夕照一塘敗葦戰秋聲座中都是龍山客司馬英風待品評

延松巖同年由奉天學差報滿入都旋授西藏辦事大臣

予爲餞別並贈以詩

前人

三載皇華甫罷吟班超事業奮如今曾持玉尺鴻才聚又挽金戈豹略深萬里長風名士志一杯別酒故人心甘棠定值西陲遍不數當年祇樹林

奉使茂明安賜奠

前人



平明展駕響銅鈴爲賦皇華不敢停數騎衝開邊草綠萬山環送使車青才非異等慚西漢身奉恩綸到北庭幸喜未同班定遠玉關重入髮星星

遣懷

邑歲貢生 趙 薌 生

浮沉斯世久忘機魚我安知是也非鏡裏休嗟雙鬢短眼前漸覺故人稀情懷落寞憑詩遣氣味酸醜與俗違抗論何關天下計盤殮且療腐儒飢

冬夜索句

前 人

瘦聳玉樓寒不寐夜闌爐火剩微紅偷來格律殊難愜斷髭鬚總未工幾輩探驪誇手妙是誰夢鹿想情同從今莫漫枯腸索會許靈犀一點通

秋城晚眺

前 人

西風策策拂衣涼獨上城樓思渺茫數點征鴻來絕塞幾家打稻趁斜陽雲低孤塔添虛白煙斷遙山入暮蒼最是兵戎勞將帥不堪荼毒憶南方

九日登雙樓臺

邑附生 朱 衣 點

柳條邊內臺樓臺九日登臨眼界開四面雲山遙拱向一灣遼水近縈回避災自昔嗚迷信作賦於今愧乏才且欲搜尋雖建築摩娑片石費疑猜

其二

前 人

不風不雨過重陽爭上樓臺擴眼光邊柳有情隨我綠野花無主爲誰黃萬家煙火資縈拂回面雲山接渺茫細認宣威題額字問他幾度閱滄桑

秋夜書懷

王 毓 琪

檢書終日眼光迷傍晚偷閑步院西風急不容雲意懶樹高翻覺月輪低小庭花影當窗動涼夜鷄聲入夢啼莫道儂無東道主有人願借一枝棲

因日軍駐宿有感而作

前 人

塵滿河梁水滿池連朝士卒渡遲遲江邨風起旌旗舞野徑人稀戰馬嘶已去征車頻往返無情芳草尙迷離鄉愚且莫愁兵燹此是興亡起點時

其二

前 人



日俄到處盡烽煙全亞風雲色慘然政詔外交空有約國稱中立恨無權氣盈未必逢三  
鼓軍練還應備十年寄語同胞宜自振乘時奮起莫遷延

其三

前 人

家室流離鄉復城一番烽火一番驚田園被澤空春雨草木含煙尙午晴千里羽書通遠  
電萬村耳目聳行旌無端更助詩人恨最是東風太不情

初應聘爲館師

前 人

十載程門瞬眼過初傳衣鉢步西河授徒始悟師恩重獨處方知友益多妄羨鴟鵬鞭棧  
馬愛培桃李施松蘿牀頭一劍頻磨礪未識鋒銚竟若何

長夏村居

八首

舉人 趙賡雲

閒著芒鞋柳岸西科頭箕踞坐沙隄平林埋網兒羅雀落日倚門婦喚鷄有限韶光隨水  
去無心雲影渡山低老農細把陰晴課准擬明朝雨一犁

其二

前 人

枯枝拾取半杈杈囑咐廚奴細煮茶偶觸硯池閒滌筆且隨籬曲亂栽花立身不定風中  
蜨氣象難平雨後蛙怪底昨宵食指動野蔬來饋白山家

其三

前 人

山花夾道裹輕沙村樹難將望眼遮綠草牛羊官牧養黃茅鷄犬野人家遲遲歲月閒中  
覺縷縷濕潮雨後加畢竟北方風土異不栽桑葉祇栽麻

其四

前 人

亂書疊疊滿床橫茶罷詳參物外情喜自何來辰鵲噪刻憑誰報午鷄鳴臨風女慣縫香  
袋防雨人爭蓋醬棚莫道夕陽紅有限餘霞成綺半天明

其五

前 人

偶因破悶出門行村叟謙虛解送迎令我消魂竹笛曲引人思睡紡車聲野溪潦水蛙分  
部薄雨空階蟻鬪兵信是老饕有饒福新嘗東道一杯羹

其六

前 人



卓午斑鳩不斷呼日斜果送雨如酥楊花作態隨風捲蒲柳生溫當席鋪細闌紅絲拴蝶  
子笑拋黃豆打鷄雛閒中逐逐忙何事裁罷詩箋弄酒壺

其七

前人

新麥磨成餅餌蒸茅檐一縷晚煙騰巨猫退步將擒鼠小雀團飛爲避鷹有客偶來爭煖  
酒既昏便息不張燈田家風味嘗應飽埋首林泉愧未能

其八

前人

十二鐘敲午睡餘村居始覺應酬疎入門客或求題扇隔戶人多聽講書不製困籠常玩  
鳥縱無清德亦懸魚平生苦嗜詩成癖夢造蘇黃李杜盧

紙鳶

石節山

綠楊城北畫樓東百丈游絲曳半空一幅畫圖春草碧滿天羽翼夕陽紅飄飄直上青雲  
裏站站如臨白水養到木鷄功已久乘槎好會待春風

老農

前人

菜花畦北稻花村休將功名富貴論離外鋤苳呼弱女雨前種豆課童孫置身恍入桃源  
界問姓須從栗里門二十年前簞笠苦至今耄老向誰言

清河夜月

前人

稻花村北柳隄前河水洋洋月色鮮金鏡展開橋外路明珠點破水中天照來渡口三更  
冷印透波心一顆圓待到中秋十五夜家家玩賞更堪憐

民國

夜雨寄宿山莊

王毓琪

晚雲送我到山莊倉猝停車擇不遑下榻但求棲處穩寄書翻笑客中忙風傳蟲響經宵  
苦雨雜鷄聲入夜涼一枕沉沉清睡熟那知既白在東方

書懷

邑舉人 趙家幹

自問歸田是也非平心思索闔雙扉欲操舟楫波濤惡願獻芻蕘才力微小草在山無遠  
志秋鴻綴羽怯高飛我今已伴漁樵隱那管旁觀毀與誹



寄慨

前人

憶昔秋曹舊有名而今憔悴老邊城青山愛我樵爲侶白眼看他蟻鬥兵虛度半生呼負負禾諳兩字是營營此情擬向何人訴獨對孤燈百感并

章蔭三監督延修縣志書成因賦此以博一笑

前人

拂袖歸田作酒徒名場宦海久模糊誰知蓬戶潛修日又見賢候枉駕趨台命承來腸屢索中書老去髮全無惟餘一事堪惆悵幾見人間有董孤

其二

前人

自春徂夏復經秋閱歷三時役始休竊喜同人資贊助每臨一字費研求灾身幸免鄰崔浩遺穢何曾效魏收借問南昌賢令尹酬勞可賜酒尊不

龍岡北枕

邑附生 高毓岱

山勢蜿蜒三十里長如龍蟠繞是龍岡北門鎖鑰安中土南國威靈振朔方雨洗荒坡鱗甲變雲蒙臥石爪牙藏天然一帶華夷限豈讓他人睡榻旁

秋郊閒步

前人

郊行無語暗消魂猶幸斜陽尙未昏衰柳數株疏日影寒鴉幾點帶雲痕溪前溪後白蘋浦山北山南黃葉村昔日繁華何去也西風灑淚問乾坤

荷筆

前人

早荷已露尖尖角木筆初開第一枝風雨書空臨雁存烟雲出水寫烏絲幾行真草湘妃影一夢生花學士詞波動亭亭題不已烘雲醉月若吟詩

山居春景

前人

人曳牛犁繞麓耕時方穀雨過清明動觀流水靜觀岫雲愛微陰月愛晴烟抹村邊添畫本泉潺石上作琴聲小齋提筆詩纔就又聽黃鸝三兩鳴

閒詠

前人

蕭蕭半百度年華回首滄桑暗自嗟作事但看新子弟學文翻悔舊生涯科頭脫帽驚微雪老眼觀書嘆欲花身擬避秦問漁父桃源何處是仙家



其二

擾擾塵寰何所之幾番惆悵幾番思未歸秋雁猶書字將老春蠶尙吐絲愧對同人稱大雅勉留小友話新詩感時淚濺桃花扇大好中原戰鼓疲

前人

其三

鳶魚活潑盡天機至樂何須問錦衣事必捫心求我是行無枉道任人非文章小劫逢秦火風雨長吟下董幃佇立花陰翹首望青天無數白雲飛

前人

其四

茅屋一椽傍水濱閉門且作葛天民人能脫俗方爲雅家有藏書不算貧萬事無驚閒即福四時行樂物皆春悠然俯仰乾坤大心裏桃源自避秦

前人

鐵路

迢迢雙軌徧三邊握得交通大陸權海表奇工能縮地人心異想可開天橫鋪世界重圍鐵倒抹山河幾縷烟雷走銅街聲轆轤前車宜鑑劫灰年

前人

斜陽垂釣

披蓑戴笠羨漁翁疑是神仙下碧空春岸柳溪孤棹雨秋潭蘆荻一竿風斜陽影裏魚噓浪夜色深時月照篷晚飯歸來付落遠跟蹤沾酒過橋東

張夢齡

晚風牧笛

夕陽欲下牧童歸短笛吹來調是非豈爲長歌摹板拍偏宜低弄暢天機一鞭烟雨驅牛健半里河源飲馬肥遙指杏花村不遠憑誰沾酒賞芳菲

前人

西山插雲

雲樹蒼茫隱碧空懸崖姿態望中濃高登巔頂方開眼遠眺溪山好豁胸松柏風濤聲陣陣岡巒烟靄色重重滄桑轉瞬經遷變憑弔千秋燭倚筇

傅景霖

板橋晚渡

南北村頭隔板橋漁舟唱罷晚烟銷誰教多少遊人跡不入漩渦近人潮幾句詩成驢背穩一鞭月趁馬蹄驕霜餘鴻爪常留印隔岸烟村去路遙

前人



斜陽垂釣

前 人

溪頭蓑笠一漁翁楊柳迷離望處空桃葉渡邊三尺浪富春山下一竿風晚烟隱約明燈  
火落日蒼茫繁釣篷沽酒歸來天薄暮杖藜扶去過橋東

本校春日風景

關慎爲

四面雲煙楊柳新幾間校舍倚遼濱風狂帆影迎眸急夜靜河聲到耳頻舟子興歌航古  
岸漁翁含笑網鮮鱗鄉村莫道無佳趣景物清幽最可人

選舉

王毓琪

人才自古重芻蕘運動何須暮復朝未必知交皆鮑叔居然選衆舉皋陶票開午日城鄉  
合榜挂秋風姓字標寄語題名數君子安排鴻議應時潮

其二

前 人

甲第題名憶往年今朝選舉榜重懸幾人姓字三年任一紙公民萬戶權榮似登科紆紫  
綬貴同中選得青錢敬爲代表馨香祝立法機關莫貿然

擬於日暇與同事諸君及學生等創設詩社

前 人

擾擾終朝事太匆偷閒但借一燈紅學吟好卻塵氛俗鍊句何嫌夜色朦暫啓晶簾邀冷  
月預培桃李待春風酒餘莫負騷壇債願把詩翁作醉翁

自警

前 人

不憚勤勞昔至今公餘幸得撚髭吟既衰血氣思三戒非禮言聽慄四箴入世幾經人負  
我問天惟有月知心浮雲過眼無須記靜看寒煙鎖晚林

其二

前 人

庸愚樸實本天真滷迹風塵幾度春縱少聰明偏喜事寧無倖福懶求神性癡但願心如  
口才拙常防我負人爲囑同公衆君子匡余不逮勿因循

和幼樵趙君感時二章

借鑒佩石寄幼樵原韻

前 人

誰家風是大王雄破虜爭誇鬻鑠翁鼎峙局歸強有力箸籌人望聽能聰蛟龍得雨池潢  
起鷹隼冲天毛羽豐用喚中華文弱夢莫嫌挾矢與張弓



其二

前人

莫挽頽波年復年誰從規矩問方圓鴻飛突過鵬千里謂後進之驟起龍斷爭馳馬一鞭謂商家之搗把有暇驟思工博奕謂打麻將無邪誰解誦詩篇謂遊花叢願君努力真文化急起直追莫卻前

南郊游覽

前人

公餘乘興出城游笑囑斜陽爲我留花氣潤添前夜雨林容改盡去年秋四圍岡嶺重嵐疊萬頃田苗衆綠稠好擬山陰人訪戴尋溪泛月盪輕舟

其二

前人

天然風景待人游杖屐逍遙任去留但得雙柑兼斗酒何妨一日似三秋農欣膏雨溪嫌漲世喜罌花我厭稠前渡淺深隨意去何辭游泳與方舟

送本校同人

答段彙五原韻

前人

默契渾忘跡與形聯吟方擬畫旗亭還鄉遽訝驪歌唱授課新經鹿洞停愧我殘年同棧馬冀君秋夜自囊螢更期聚首歸來早屢向西風視砌蓂

開原縣志

卷十二

藝文

詩

一五

開原驛文英印刷局印

和段彙五雨後城頭晚眺原韻

前人

邊城卻暑借新涼縱日游觀雉堞傍山色喜晴添重翠園花帶涇送幽香晚風楊柳搖荒徑殘雨虹霓映夕陽俟我杖藜歸去後好將新咏付詩囊

答王伯筠學長贈詩遣悶原韻

前人

好閒早恨手稱游分寸光陰不爲留在我認真原性質任人褒貶作春秋捫心每覺情難慰緘口常防過易稠深幸良朋示周道憑他野渡亂橫舟

見老屋坍塌有感

前人

建築曾矜不日成歷年久遠忽坍塌非關材木難勝任只爲週遭遇不平牽補藤蘿頻失望剝殘風雨太無情阿房瓊室同今古興廢悽然幾變更

曉步河干即景

前人

清晨散步過雲隈逸興無人作我陪車馬渡聲喧野渚牛羊踐迹亂莓苔遠天紅暈日將出深樹青稠風自來警士也知耽雅趣幾行花木甕城栽



其二

平皋踏徧步初停細草迎人發野馨曉日光穿秋靄出  
汽車聲隔遠林聽雲煙迴合孤城  
暗禾黍高低萬畝青我自徘徊隄岸上不嫌荒徑露冷冷

前 人

其三

爲避炎陽禁曉眠嚮晨早起步河干雨餘新漲三篙水雲盡晴開萬里天  
遠岸人家通草徑圯橋板影臥溪煙行行歸去催朝膳詩酒逍遙意泰然

前 人

自感

逝水年華迅莫停頭銜猶是老明經一生知己惟螢案  
雨世醫人紹鯉庭綠酒無情防易醉黃梁有夢幸能醒  
家聲詎敢書香詡但恐遺譏不識丁

前 人

其二

殘年宜自倦於勤况爲身經廣見聞歲月增多鬚上雪  
功名浮過眼中雲風前縱可薰菴辨鏡裏難容皂白分  
愧我才能愚且拙時髦未敢望同羣

前 人

諭兒輩防險

前 人

冒險精神縱有爲慎因無備誤羣兒立身莫任巖墻近  
當道還防車馬馳畏到日光思趙孟汚來塵垢避元規  
休貪僥倖頻行險趨步常懷顛仆時

秋夜大風

前 人

滿堦黃葉落無情秋夜西風陣陣生狂飈花枝驚犬吠  
細吹窗祇作牛鳴掃空但見雲飛影掠地翻疑月有聲  
最是惹人心惱處宵深鄉夢不容成

紅葉四首和王伯筠同事原韻

前 人

蕭森秋意偪疏林落葉紛紛下曲澗似有禪機空色相  
憑誰題句覓知音荊門霜氣迷叢樹村落燈光露遠岑  
掃向園中堆積好興來煮酒醉中吟

其二

前 人

碧葉曾經風剪齊又看紅趁晚煙低文章假我同寒煖  
枯菴隨時任品題玉露點成飄遠渡曉霜染出滿前溪  
姑蘇城外添粧品誰聽寒鳥月落啼



其三

秋容散布滿山家幾處楓林望眼賒但願天香分桂子還將輕薄鄙桃花吳江冷落埋荒草楚岸迷離閨晚霞爲囑家僮頻掃去莫教苔徑掩橫斜

前 人

其四

御溝流水送新詞締結良緣慰所思到眼化粧疑入夢無心色相總因時遠從江面雜漁火濃點溪唇積水涓好爲赤松收拾去鍊成丹藥少人知

前 人

前題

楚岸吳江染出勻西風飄下點溪唇遭逢冷落積彌厚經過凋傷色轉新同樣寫真聯暮靄無情變相感霜晨白雲徑外停車賞絢爛何如二月春

前 人

警署考試羣醫擇優榜示發營業狀

重民生命試羣醫能否標名不自知難謂子龍身是膽祇防聶政面無皮三年業未學堂畢一紙權由警政司堪笑蒼顏扶杖叟步趨緩緩尙追隨

前 人

其二

西風一紙出城池四境醫生赴有司歸路但防遭額點求疵還望莫毛吹卷呈暮日心猶怯榜發霜天譽竟馳寄語題名衆君子休因錄取自荒嬉

前 人

其三

不學當然等面墻懸壺况是業岐黃非云家製丹鑪藥即說仙傳碧海方塵世但求容餬口風檐最怕索枯腸此行幸得營醫証那管人家病膏盲

前 人

其四

脈理方書具在前活人事業效先賢果明丹藥回生訣自作青銅中選錢一紙新憑名下註萬家生命指頭懸從今盡力同研究莫令西醫齒粲然

前 人

其五

方遵仲景脈瀕湖敢謂醫林少濫竽紙証貴珍同鐵券官司權力及丹爐擅長何日降灾豎患得無人不鄙夫切囑我曹休懈怠明年依樣畫葫蘆

前 人



年假送別同人

前人

一從驥尾附羣賢涼月經過四五圓老朽自慚成白髮諸君堪羨正青年方欣歛唾親珠玉又悵風塵隔地天贈別匆匆吟俚句相逢用結後時緣

其二

前人

從古別離常感恨我今送別恨偏稀歲時已改羲和紀游子原應定省歸但使風雲終會合何妨勞燕暫分飛明年桃李春城內還望車塵向晚暉

端午前一日陪夢湘宗老遊農林試驗場

邑舉人趙家幹

昔曾相約出城遊今作園林半日留萬木濃陰天正午孤亭小坐夏疑秋翻階芍藥花將盡過雨山巒翠更稠策杖歸途同一笑徜徉安步穩於舟

其二

前人

暇日聊爲汗漫遊每逢佳處輒勾留滿城喧擾知蒲節萬頃青黃近麥秋榆樹編籬春意嫩茅亭啜茗綠陰稠喜君絕域歸來樂益信人如不繁舟

其三

前人

閒人結伴作閒遊身似浮雲任去留萬樹叢中堪避暑一犁雨後宛如秋賞心藥圃餘紅艷飽看花畦衆綠稠偶憶兩天風俗異明朝競渡門龍舟

其四

前人

東郭農林雅可遊天然佳境爲誰留蕉衫稱體偏宜夏紈扇搖風不待秋數徧羣芳如譜集看來衆卉似雲稠人間此樂誰能識漫訝蘇黃共一舟

其五

前人

杖頭閒挂百錢遊用蘇句一遇林泉便小留到眼敷榮瞻草木及時行樂趁春秋農場地僻襟懷闊詩友情多唱和稠何日翩然訪煙水與君共上釣魚舟

其六

前人

萬里新疆賦壯遊於今場圃也淹留風聲肅靜欣無事雨澤勻調盼有秋刺目罌華千頃秀尋香蝴蝶一園稠孤亭四面花成海暝坐翻疑泛小舟



其七

我本山人悔浪遊入山今又被山流  
流光將屈端陽節宿雨初收五月秋  
野景清妍知者少市聲龐雜厭人稠  
江湖浩渺猶杯水戲向堂坳弄芥舟

前人

其八

燕南趙北共君遊曹記飛鴻雪上留  
回首陡驚將一世及身無策付千秋  
餘年擬伴詩書老今日來尋花木稠  
即此已饒清淨福紅塵那覓武陵舟

前人

奉贈吾宗幼樵先生見賜長句原韻

日昨偕遊農林試驗場

舉趙賡雲

散步逍遙作雅遊農林佳處小勾留  
四圍短截榆樊圃萬頃新鋤麥待秋  
偶遇賣蒲知節近先期品茗避人稠  
知君厭聽神仙語局外偏疑郭李舟

其二

前人

萬里歸來息浪遊行踪端爲雅人留  
孤亭小坐消長夏一局閒棋步奕秋  
毒卉紛披千頃密色身畢現萬花稠  
不分主客蕭然樂即此何殊赤壁舟

其三

前人

四壁琳瑯厭臥遊如斯佳境訝天留  
故交招我去消夏清氣撲人來勝秋  
花不知名翻豔絕草非吾種覺生稠  
披蓑帶笠翁成兩把釣寒江共一舟

其四

前人

居吾與子且言遊大好園林爲我留  
芍藥已傷三月暮海棠獨立一盆秋  
惱人最是罌花密匝地惟看槭樹稠  
舉世風波無限裏誰知二客尙同舟

其五

前人

東籬歸後息交遊斗粟寧堪一刻留  
早識壺中饒日月誰知皮裏寓陽秋  
吟成白雪知音少盼到黃梅怯雨稠  
地闊天寬人並老何妨有屋小於舟

其六

前人

五嶽歸來不復遊偶逢佳處又淹留  
罌畦幻出三冬雪竹徑翻成六月秋  
端午佳辰瀕節近中原大患在人稠  
何時把臂西湖上同看雙龍競渡舟



其七

前人

樂從賢士大夫遊雞黍分甘爲我留懸艾節交消暑夏看花人競盼烟秋祇緣白打錢重疊轉恨青紗帳密稠何似翛然塵俗外一時共濟賦同舟

其八

前人

杜門無復事遨遊詩卷常爲天地留容我吟壇分一席與君大著共千秋參差仙掌隨年健比較花漿往歲稠俗務屏除無障礙好從雲裏蕩歸舟

其九

前人

杖藜扶我作閒遊小憩孤亭半晌留豔曲懶聽張漱玉新編愛讀李涵秋花因墜溷紅翻瘦樹到垂陰綠轉稠說與途人渾不解須臾此木已成舟

其十

前人

名園雅步賦同遊叨擾薪茶款款留何代仙人孤掌立伏除吾輩一心秋櫻桃拈破紅將滴杞柳賊戕綠尙稠牢把帆舵企予望安危關係視前舟

開原縣志

卷十二

藝文

詩

一一〇

開原驛文英印刷局印

其十一

前人

步出陽和乘興遊園林翻作有情留入門蓮自稱君子拔地松能耐晚秋吹皺一池新水漲删除萬木惡陰稠眼前縈趣尋方得求劍何須定刻舟

其十二

前人

農林洵不愧斯遊恨未平原十日留頓悟全珠成芥子再遲半月及瓜秋交情到底濃而淡世網於今密且稠畢竟杜陵饒卓識江湖滿地剩孤舟

老友夢湘幼樵二君吾鄉詩社中巨擘也前皆宰治名邑今同歸林下廣築詩壇每

借游興以資倡和琪羨其風雅賦此爲贈

步游農

林試驗場韻

王毓琪

文學堪稱夏與遊又將詩稿世間留天涯已寄鴻泥印林下還分雁塞秋但惜品清逢世濁爲嫌塵俗避人稠晴川澈底澄如許好趁薰風共泛舟

其二

前人



同鄉同志得同遊雅興偏宜到處留  
舊雨來時知有約新涼納處轉疑秋  
耽吟但覺溪山古却俗何嫌草木稠  
夕照影中歸去好聲聲唱晚聽漁舟

其三

前人

隴右江南兩宦遊年華將老莫淹留  
雪鴻飛去曾遺印蕤繪思歸豈俟秋  
白髮知交今雨少青年英俊故宮稠  
撫時望有回天手好駕乘風破浪舟

倦中作

前人

性慵懶作四郊游壺酒床頭日日留  
垂老詩情聯舊雨乍晴天氣似新秋  
蠅文偶篆墻陰溼燕剪難裁柳葉稠  
莫道賃居門巷隘浮家還勝在扁舟

自感兼感時

前人

曾向邊城幾度游紅塵何惜屐痕留  
煙雲四野天含雨貼杵千家衣備秋  
野館新花紅如萎荒原古樹綠常稠  
看來時事如流水能載舟還能覆舟

其二

前人

不作時髦浪跡游自無鴻印雪泥留  
醫人信手非營利望歲關心祝有秋  
花酒萬能風競尚金錢大力日加稠  
願天早爲生賢俊早作甘霖濟作舟

趙夢湘烟丈於前清光緒季年以事遣戍新疆民國改元獲釋遂宦遊甘肅歷任狄道莊浪三盆各縣知事昨以解組歸來久別乍逢

悲喜交集因爲長句以贈之

邑舉人趙家幹

二十年謫戍去鄉關萬里長征人乍還  
遷客巖疆添白髮故園今日見青山  
身歸疏勒伊犁外政著莊浪狄道間  
把臂暢譚別後事一樽相對破愁顏  
公車兩度記從公往事真成一夢中  
轉眼興亡驚世運何心得失與窮通  
相看髮似秋霜白且喜顏如晚日紅  
畢竟元龍湖海氣高談依舊逞雄風

再疊前韻

前人

幽居埋亂不相關明月清風共往還  
羞說閒雲難作雨伯噉小草不離山  
每開松徑思三益伏處茅簷庇數間  
前日座中瞻道貌飄蕭白髮易朱顏  
撫軍憤憤惱胡公斷送先生縲



綬中一疏才從金闕入九邊頓使玉門通黏天大莫沈雲黑驀地孤村落日紅堪羨生還仍奏讀隴西列郡布仁風

三疊前韻

前人

喜居生入玉門關恰似令威化鶴還親舊每傷登鬼籙家鄉恙無認河山潛修賴有書千卷歸隱猶餘屋數間祇此亦堪娛晚景况多蘭玉解承顏需次蘭皋作寓公相思時繫夢魂中有緣早結三生約久別翻稽一紙通京洛關心前路黑粉榆照眼夕陽紅天涯咫尺情懷切得句還祈惠好風

四疊前韻

前人

柴門無事日常關一榻茶煙午夢還偶與知交商舊學將隨風雨老空山故園松竹聯三友生世蟬螿寄兩間不慕神仙不佞佛詩筒酒盞足歡顏早歲蜚聲共羨公采芹食餼探囊中秋高柱苑身先到水遠蓬瀛路不通萬里歸來頭已白三杯飲罷頰留紅如今解組招偕隱一笑同羸兩袖風

酬幼樵贈詩即次其韻

邑舉人 趙賡雲

翛然杖屨扣柴關憐我橫飛倦鳥還一院櫻花迎舊雨千秋梨棗壽名山先生曾以大集見贈情怡皓鶴青琴外家住廉泉讓水間最是高堂稱健在好將符綬慰慈顏先生曾宰龍游塘看鏡飽山水

三十年前記謁尊公登樵前輩為吾鄉人望親見趨庭鯉對中隨意蘇韓雙營下先生文詞詩工古其餘技有緣孔李兩

家通與先生三代世好兼以姻親斬新天氣隨蕉綠垂暮容顏借酒紅回憶大梁舊游地曾經聯轡戰春風

癸卯申辰兩次同試春闈

再疊前韻

前人

戲破坤輿名利關豁然天道自回還不才已愧成勺水有限方知識泰山珍重閒情存集外後先謫落到人間升仙白日殊無賴是否流霞可貯顏褻裘瀟灑太原公秀外居然又慧中詩酒兩能名不朽佛仙一體理旁通購來孤本頻浮白唱到新詞遣小紅飽飫郇厨高臥後叨陪杖履醉薰風

三疊前韻

前人



向平未了總相關差幸珠從合浦還偶遇畫師談北苑隨時斗酒看西山大千莊老道無  
外十九庖丁刀有間玉我於成貧賤裏心平轉足貯衰顏莫笑金刀安樂公膽薪嘗臥半  
生中鍼藏棉裏和而介履納橋邊寒乃通花到秋涼成晚艷天從雨後現橋紅細推物理  
翕然快一枕羲皇趁好風

自述用前韻

前人

理亂升沈點不關米鹽檢點喜家還蝸廬有限堪聽雨鶴俸無多莫買山大嚼過門狂放  
外橫陳嚼蠟有無間人生最是含飴樂三歲童孫笑顏情知才藝遜元公巧拙居然得適  
中腹笥縱空甘淡泊腦筋雖舊號閒通女兒裙服栽葱綠老朽宮袍剩棗紅幸遇文壇真  
領袖夕晨挖雅復揚風

論詩用前韻

前人

巍然高聳此詩關何日飛行任往還勿謂半勺能竭海須知一簣欠爲山老僧自解推敲  
外餘事常流怪僻間歷數千秋傳者幾此中境界孔殊顏韓潮蘇海兩名公意匠經營慘

淡中俗不可醫毋寧膏性能常定豁然通三秋菊種花成緣九轉仙丹火變紅何日有緣  
如列子冷然善也御清風

聞趙夢湘明府解組還鄉即用幼樵原韻賦以

奉贈

王毓琪

曾隨去雁出重關壯歲離鄉白髮還異地何堪留杖履故園依舊認溪山親朋存歿關心  
處時事還移轉眼間好俟車塵寧靜後相逢造訪共歡顏莫將升降問天公甘載風雲一  
瞥中遠謫無情過韓愈退居有志擬王通頻年柳色邊關綠此日車塵故里紅終是家山  
鄉味好蒔鱸莫悔憶秋風

再疊前韻

前人

自居謫戍度邊關每向西風盼早還泥雪既經留爪印窗梅儘可覓家山故交兩地睽違  
後文戰當年想像間久別重逢誠樂事不須相對嘆衰顏隴右無心作寓公東携琴鶴度  
關中三十年宦海身經試萬里雲山路可通鬢髮任同春雪白燈窗終覺異鄉紅願君倡



辦新詩社好作龍岡草上風

三疊前韻

前人

西風吹入玉門關萬里歸人乘以還路線繫心經隴海疆回首別天山閒身已脫功名外  
識面應稀故舊間牖下愧余甘老朽與君共語覺無顏握篆頻年倦治公一官辭却去滄  
中故園再紡河山舊老友還欣聲氣通此日晤談驚鬢白當年食餼共花紅先生與余同補瘼新詩  
成集求分惠好備披吟向晚風

遊姑蘇歸答謝王可耕道尹

邑舉人 趙家幹

餘杭遊罷又姑蘇浪跡天涯客子孤徑詣衙齋訪逸少翻勞騶從過林逋一船肴酒叨嘉  
惠兩日盤桓足快娛回首虎邱舊遊處雪泥鴻爪半模糊

自遣

前人

煙霞將老此中身蒼狗白雲過眼新不耐紛華耽寂靜偶遊山水著精神家庭自具天倫  
樂詩酒時聯素契人但願百年常似此盈虛物理任推循

初夏泛舟湖上

前人

不覺匆匆過一春湖中風景又翻新荷花欲語偏迎棹水鳥驚飛爲避人暇日無多供嘯  
傲故鄉雖好戀鱸莼浮生行樂渾如此蕉鹿模糊辨未真

秋城晚眺

前人

晚來何處覽秋光獨上城頭立女牆荒塚纍纍連近郭寒鴉烟烟帶斜陽邊陲撫警煙塵  
淨野景宜人風露涼日暮催歸帖杵急繁聲聒耳爲誰忙

九日

前人

方嘆江湖飄泊身偶逢佳節倍思親客中寂對黃花瘦堂上知添白髮新鷄助一官能絆  
我鵬程萬里總輸人故園直北關山隔風雨樓頭獨愴神

次康南海贈齊照巖省長詩韻

前人

長安不見首重回往事知湖滾滾來借箸曾煩天下計歷田且付掌中杯治安上策長沙  
哭憂患餘生杜老哀昨日窺君君見否竹陰深處屢徘徊



寄懷齊振巖先生

前 人

行雲流水兩無痕出處惟將道義敦此日有情聯戚屬當年無分立公門

公掌教昌州時擬住受業嗣以外縣人見阻

其二

前 人

偉貌每懷文潞國五年不見繫精魂循良政績留棠邑衡泌棲遲爲壽萱一代名賢千古志兩京生佛萬家尊索居易觸天涯感永夜迢迢月上軒

冬至作

前 人

忽驚葭管又飛灰歲事從頭憶一回秘籍披殘數百卷濁醪飲過幾千杯關懷舊雨常思訪乘興題詩不待催誰識個中真意味北山猿鶴漫相猜

春草

王鴻猷

曲江春色滿平隄細錦叢茵似剪齊幾處夕陽芳徑外一渠新水淺塘西雨餘舊夢迷鴻爪煙抹輕痛襯馬蹄寄語尋芳驕士女香輪切莫輾新泥

其二

前 人

昔年南浦送君時又向天涯悵別離煙柳遠迷青冉冉春波遙映綠差差池塘舊夢入初覺陌上餘寒曉未知最是王孫揀去路驪歌三疊淚如絲

其三

前 人

春城風暖望平蕪吹動川原碧有無錦細落花添綺恨煙叢留曉綴新圖翠牽楊柳池塘淺青莓苔襯陌巷紆爭是長安逢上已羅裳飄處女如荼

其四

前 人

春寒那剪宜春字草色猶牽百結腸倩影自憐新水岸愁心偏鎖舊池塘雨餘陌上疎來緩夢斷天涯恨更長惱煞東風未解意思吹不到三湘

秋荷

前 人

曾記蓮塘舊夢魂聆歌小飲艇當門方期露蓋承珠粒不料羅衣褪粉痕一片愁心添極浦者番消息問漁村江鄉從此堪惆悵客易秋風未忍論



其二

翠羽田田只怕霜紛披誰惜半渠塘紅房露淚零殘粉白社詩詞悼滿箱生恐涉江招越女無端弄曲惱梁王倘能呪鉢重生日願爲菩提樹表坊

前人

其三

休泛楚賦感荷衣生怕摧殘意已非雲水生涯秋落寞汀洲舊跡浪依稀也招四面魚兒戲難絆長天鷺子飛拚得濂溪深護惜泥塗出脫願仍違

前人

其四

不經風雨不堪憐鷗鷺間情伴暮煙聞曲莫同菱悱惻關心猶有藕纏綿凌波終冀重繁日結蒂何妨待隔年畢竟西湖風景麗接天十里碧無邊

前人

紅葉

裝點山客借一林蕭蕭紅葉滿江溥霜天底事傷搖落塵世何從覓賞音幾處園亭秋草徑誰家烟火翠微岑白雲深處饒詩興笑作山花二月吟

前人

開原縣志

卷十二

藝文

詩

二六

開原驛文英印刷局印

其二

綺散餘霞翦未齊天高不碍白雲低如花色相伊誰妬流水因緣有客題應識胭脂添峽口黏成蝥蝶下烟溪江鄉樹樹凝鷗血幾得寒林字啼

前人

其三

閒從林表覓人家指點白雲望欲賒荒徑掃來供煮茗霜天賞作可憐花猿聲楚岸啼漁火雁影湘江帶落霞風景不殊丹荔嶼停車愛對夕陽斜

前人

其四

曾寫當年繾綣調非關紅豆亦相思才人寄怨出溝水薄命如花嘆不時玉露蕭森巫峽角晴霞散綴楚江湄邇來已覺繁華夢欲訪丹邱路未知

前人

七絕

清

蓮花峯

邑進士 郝 璉



採蓮一曲放舟歌爲愛前賢樂意多種得滿池生碧翠好邀明月照清波

龍岡北枕

生員 周煜

乾坤秀氣毓龍岡橫枕如屏列北方一帶縈蟠高處臥風雲變化自潛藏

古塔朝霞

貢生 周維地

寶塔凌空勢最崇當年建築有神工每逢曉日初升候高處霞光別樣紅

磴山積雪

訓導 華長卿

朔風吹雪雪初晴石磴岑堯一望平粉本寫生添畫稿心如朗朗玉山行

清河夜月

周鐘

河水澄清一色秋波心月印夜光浮遙看兩岸沙明處唱晚漁翁繫釣舟

仙石雲屏

僧生 王朝柱

古刹荒涼信有靈三皇驅動六神了敬亭昨夜山尖失故意飛來作石屏

咏古塔

恩貢 王思明

寶塔蒼蒼逼太虛風霜萬古鎮扶餘傳聞果否唐人建未審當年太史書

初冬嶺上早梅

良弼

羅浮一夢證前因久抱仙才厭俗塵獨向空山風雪裏橫斜先釀枝春

其二

前人

冬嶺條然幾樹梅羣芳落盡冒寒開珊瑚瘦影饒風骨曾受冰霜磨鍊來

初春夜雨曉霽偶成

前人

雲散長空趁曉風土膏猶溼日初紅春心醞釀知多少一夜濛濛細雨中

觀稼軒

前人

平疇颯動綠無窮一片良苗被好風想見聖朝民事重務農深意寓園中

其二

前人

軒前種類本分明每被通儒錯喚名惹得老農都絕倒不分五穀是書生

閉居雜詠

趙菊生



懈向親朋作報書閉門生計未全疎小園闢得三弓地半種梨桃半種蔬

其二

前人

雙雙語燕雨無嫌日日銜泥撲畫檐擬向門前栽綠柳恐人怪道似陶潛

其三

前人

厭聞世事久忘機掃榻焚香靜掩扉更築新牆高過丈曉風吹到市聲稀

其四

前人

蝸居斜倚綠楊城過客無人識姓名偏是東風殊好事隔牆送出讀書聲

感時

王毓琪

莫將困睡怨東風離恨閒愁總夢中翻是杏花聊解意枝枝減却去年紅

因狂風作

前人

到門方盼日曛曛忽訝烟塵滿碧空烏鵲也嫌巢不隱枝頭亂噪罵東風

春日雜咏

附生 李芝雲

書窗隱約接重巒幾陣東風解曉寒牆外杏花堤畔柳春來頻欲引人看

移花隅成

短短踈籬花自裁殷勤灌溉破蒼苔爾時開到芬芳處定爲香風入座來

送春

前人

春日遲遲却不遲忽聞歸去在斯時東君若肯還留住又展華箋幾幅詩

其二

前人

春入遙山碧四圍春回桃李減芳菲青神必竟難留住更訂明年須早歸

遊趙家臺遇雨

前人

閒步郊原小徑開幽居不遠趙家臺何嫌風雨吹人面爲上龍山絕頂來

又遊趙家臺

前人

青山一帶接黃龍碧水平流夾岸通柳影暗遮人背綠花光直趁馬蹄紅

書齋有感

前人



兀坐書齋景寂寥窗前明月照深宵桃燈欲寫哀情事夜析聲聲入聽遙

其二

前、人

欲訴衷懷自解嘲浮雲世事等閒拋書窗近日添新景曉月彎彎挂柳梢

送子丹赴孤山

趙家幹

山有詩人山不孤孤山昔日有林逋君居須向山深處也種梅花三百株

其二

前、人

書裝擬擋莫躊躇此去翛然山水居一事敢煩君切記新詩覓就付雙魚

其三

前、人

聞說孤山風景殊一峯矗立水平鋪明春我欲尋君去共作煙波兩釣徒

其四

前、人

一山一水一東坡逐日登臨任嘯歌不道人間清淨福潢南老叟占麥多

雨餘記事

附生 石節山

柳花如棉草如茵好景偏從雨後新捲却珠簾樓外望一分柳色一分春

賞花

前、人

千紅萬紫影離離底是東君不我欺兒女也憐春富貴看花直到晚涼時

春日遊大林寺

附生 高毓岱

緩步閒遊古寺東綠楊村外畫圖中遙知昨夜如酥雨潤透桃花幾片紅

其二

前、人

峰頭遙望日初斜眼底人烟四五家乘興山行三四里兒童爭採馬蘭花

送春

前、人

梨花粉墮柳花飛淺水溪邊草四圍我是主人春是客留他不住送他歸

季春早起

前、人

十二欄杆日影斜柳陰分綠上窗紗蜘蛛也解貪春色網結情絲罩落花

柳絮

前、人



輒似白絲著服難飛來飛去一團團世間多少號寒者都把蘆花依樣看

其二

前人

無才思也鬪芳春吹入梨花未見新非是東風好擡舉紛紛應早化泥塵

端午後游邑農務試驗場

王毓琪

尋幽乘興出成東杖屐逍遙趁晚風爲備新詩隨意咏預將筆墨貯囊中

其二

前人

莫嫌濃蔭覆堦垂搖曳生風俗可醫怪道紅塵飛不入天然象綠作藩籬

其三

前人

砌池引水種芙蓉新葉浮青任捲舒望眼不容窺測底撥開翠蓋數游魚

其四

前人

一片苔痕綠上堦塵氛半點不容埋幾經朝露添新潤餘漬行過尙染鞋

其五

前人

分秧選種勸農勤詎視林場作具文花木不須爭菽麥好將地利與平分

其六

前人

詳分種類列當軒簇錦堆雲數百盆似恐濃香藏不住巧裁綠樹作重門

其七

前人

百畝平鋪綠靄環榆爲樊圃柳爲關卻嫌此無巒嶂疊石磷磷作小山

其八

前人

幾經拓地斬蓬蒿種樹栽花不憚勞獨惜新培松太小好風雖過不生濤

其九

前人

綠楊陰外夕陽斜風景留人興倍加此地別無諠鬧事但看蝶陣與蜂衙

其十

前人

萬紫千紅鬪豔妝清劣偏自素華揚可知花譜眞仙品不在鮮妍只在香

其十一

前人



詳分種類各標名檢點根苗趁晚晴送與人家移植去好教春色滿邊城

其十二

前人

土堦鬼疊暮烟冥花氣浮過四座馨爲備游人休息便綠陰深處築新亭

其十三

前人

誰將興產細推求植物還須動物儔燦爛場中饒野趣滿園芳草臥耕牛

其十四

前人

爲防秋老被霜侵香鷗新成向夕陽莫恠藏春容量小主人一樣護花心

其十五

前人

匆匆夕照下重檐留戀風光莫再淹小院昏黃人去後只餘花影滿晶簾

城樓遠眺

前人

城垣游徧戍樓登雲樹溪山眼底增老去詎能明遠視只緣身在最高層

見羣羊渡河口占

前人

仙人叱起幾何時三百羣中種尙遺煙水一鞭驅策去指揮付與牧羊兒

殘月

前人

夢回枕上聽鷄鳴起視東方白漸生留得遙天殘月在總餘一線也光明

園中桃李

前人

養成桃李賴風薰何事秋霜見逼勤此後繁榮與枯落莫須回首問東君

因曉霧竟輟閒步作

前人

老眼模糊望曉天周行如砥轉茫然平生行慣晴明落偶遇煙霾不肯前

見小兒登牆有感

前人

人情競進喜貪求到處咸思據上游穉子不知高處險也牽藤蔓撲牆頭

孟蘭會

前人

佛光普照事無難萬點街燈月下看人世儘多異暗事憑誰到處設孟蘭

中秋前雨晴

前人



農田方喜稼禾收連日陰雲尙不休爲囑西風加意緊莫教霖雨鬧中秋

其二

前人

朔雨方愁未易晴喜看星斗耀三更天公也似耽清趣不任中秋月不明

秋穫感懷

前人

豐年喜誦穰穰到處千倉與萬箱祇有觀田收穫少幾枝秃筆一詩囊

秋晴

前人

長夏同稱雨澤勻新秋晴日竟兼旬晚來懶向西風立爲恐元規塵汚人

任屋屢遷

前人

鵲巢胡竟作鳩居隔歲三遷計自疏未淺明年又何處逢人屋價問何如

初冬晨起見庭樹帶雪

前人

凍枝依舊勢橫斜雪後偏驚望眼差邊塞春光非易到借供清賞代梅花

自驚

前人

身幸精疆家小康孫曾繞膝日同堂自慚享盡庸人福防患思危未敢忘

其二

前人

謾將門第詡詩書安保無終不有初已往幸償温飽願未知來日更何如

警署考試羣醫擇優榜示發營業狀

前人

本期生命重斯民立法須防弊竟因在我如真稱國手先容何事更求人

其二

前人

取得新憑莫自誇誰真矩矱奉長沙須知醫學真關係不在官家在病家

哀流民

前人

兵燹頻遭故里空流離載道各西東天公不恤無衣苦纔罷西風又北風哀無衣也

其二

前人

日求一飯飽風塵噓與嗟來不敢噴一綫生機惟乞食未知餓孳是何人哀無食也

其三

前人



風塵那復識饑寒野店荒祠且自安恨煞夜深眠不得故鄉明月異鄉看哀無家也

其四

前人

舞象年齡憫幼兒也隨父母賦流離最憐覓食遭訶叱年未成人學忍餓哀幼兒也

其五

前人

顛仆頻頻力已殫終朝盈掬深幸酸當年幾費慈親手博得秋風一路難哀纏足婦也

其六

前人

桃源何處避干戈偃僂相隨浮海過一樣關山犯霜露殘年悲苦較人多哀老翁也

其七

前人

無限風霜苦病軀難中萍水孰相扶痿黃面目無生氣愁對枯楊與敗蘆哀病夫也

其八

前人

血膏鋒彈痛鄉村海外餘生一息存最是淒風涼雨處無人撫問泣幽魂哀孤子也

其九

前人

殺人盆地痛中原講壑餘生得尙存不暇自哀翻自慶能容逃脫亦殊恩哀其心也

其十

前人

爲避凶鋒始遠行道途風雨兩無情逢人問到家山况不忍終聞泣述聲哀其言也

戰中之聲

附生 趙韞山

陣雲慘淡滿邊關碧血成溪白骨山砲火叢中宣壯語男兒誓死莫生還

尙兵慘狀

前人

戰雲漠漠接山烟潰敗傷兵累萬千碧血模糊難識面姓名尙賴口能傳

哀黎民

前人

蕭牆何故戰端開多數民罹水火災無處可尋安樂國敗軍掠過勝軍來

賑濟

呼庚呼癸苦無休老弱逃亡劇可憂縱有賑糧千萬斛車薪杯水惠難周

人力車



可恨車夫轉可憐任人辱罵若寒蟬技能用盡猶嫌誤不給金錢給老拳

萬里長城

前人

跨海凌山萬里城千秋遺跡溯秦嬴縱今猶有祖龍在未必從容息戰爭

荒村

前人

極目蕭條三兩家村邊惟有電杆斜到來從未聞鷄犬只有寒林噪夕鴉

登晉陽樓

前人

一層更上晉陽樓借飲葡萄滌客愁問是誰家宵勸酒隔窓聲送管絃幽

過北海樓商場

前人

世人底事苦經營富貴孰能享畢生舊日繁華試回首百花縷已住征兵

邯鄲題壁

趙家幹

求名千里走風塵前路蒼茫辨未真欲炷瓣香祈好夢先生乃是過來人

其二

前人

一枕功名四十秋黃梁未熟好勾留我今過此偏無夢辜負邯鄲道上遊

西湖雜詠 并序

前人

民國七年古歷二月初旬余承齊照巖親家之召往遊杭州至日徜徉於山間湖上每有所觸輒紀一詩因名之曰西湖雜詠聊以抒情工拙所弗計也

鄂王墓

前人

百戰功名日月高埋冤三字送英豪薰蕕自古難同器長跪階前斥賊曾

蘇小墳

前人

岳王墓外柳青青三尺孤墳覆短亭來往行人同太息英雄兒女峙西冷

白蘇隄

前人

縱橫湖上兩條隄楊柳東風似剪齊惟有流鶯最解事聲聲時向畫船啼

阮公墩

前人

芸臺相國斗山尊文采風流今尚存試向湖心亮外過舟大指點阮公墩



小青墓

孤山背面一孤亭寂寞孤墳葬小青賴有林家妻子在惺惺應共惜惺惺

前人

孤山

宋時宮殿已塵沙那及逋仙處士家黃土一抔人萬古春來猶發舊梅花

前人

公園

公園原是舊行宮飛閣雕甍出鬼工鳳輦不來春又暮碧苔滿地落花紅

前人

葛嶺

長嶺彎彎號葛仙山花夾道絕鮮妍半閒堂址今何在獨坐丹臺恩渺然

前人

三潭印月

彭祠外盡三潭四面玲瓏一水涵可惜未曾觀印月權歌白日過湖南

前人

平湖秋月

十里澄波似鏡平風知日暖雨初晴何當載酒中秋夜來此遲他皓月升

前人

柳浪聞鶯

蘇隄楊柳綠如煙為聽鶯聲蕩畫船一串歌喉人意好雙柑斗酒雨餘天

前人

花港觀魚

一舟湖上任容與到處勾留意自如剛在高莊茶罷後又來花港立觀魚

前人

雷峰夕照

雷峰古塔矗晴空名列西湖十景中年久失修多剝落砥餘一色夕陽紅

前人

南屏晚鐘

南屏山色翠重重惹得遊人興致濃拾級仰瞻佛殿宇老僧正打夕陽鐘

前人

玉泉觀魚

浮沉五色滿方池餅餌投時各奮鬚魚目紛拏人自笑此中意味有誰知

前人

雙峰插雲

雪泥鴻爪紀遊蹤踏遍雲山多少重惆悵尙餘留一恨未登南北兩高峯

前人



退省庵

前人

退省庵中水閣寬長江巡罷此游觀何期世代遷移後降作陪臣一例看

徐公祠

前人

安邦革命共云忠名義雖殊功業同畢竟前賢讓後輩左公祠宇祀徐公

水竹居

前人

福地瑯環水竹居神仙富貴世無如眼前生塘壘壘築未免先生計太疏

煙霞洞

前人

鑿就山頭石洞開巨靈妙手現如來嘉名既錫煙霞字應有巖棲谷隱才

紫雲洞

前人

幽深古洞氣陰森夏日來遊冷不禁此處最宜消熱惱清涼石佛證同心

虎跑泉

前人

虎跑泉生事亦奇髯蘇壁上有題詩我來閒與山僧話小飲齋堂卓午時

開原縣志

卷十二

藝文

詩

三六

開原驛文英印刷局印

韜光寺

前人

纔遊靈隱又韜光踏跋芒鞋興欲狂聯步煉丹臺上望遠山隱隱水茫茫

飛來峰

前人

尋幽步入雲林寺泉水琤琮萬壑雷突兀一峰迎面起問渠何日始飛來

六和塔

前人

高上浮圖一望遙天光雲影共搖搖我今到此塵心淨願賦西山小隱招

初雪夢梅枕上口占

王鴻猷

寒梅未著雪花飄何事吟香入夢遙差幸晚秋猶有菊曉添佳色到窗寮

五古

清

示字弟

良弼

鴻鈞賦形後秉彝具良規漸與至道遠步趨悞多歧由來方寸地心理無盈虧返本全所



受紛紛復何爲

小北河水災

趙賡雲

東南風狂煽舟行捷如箭鼓柁小北河執筆書所見四望水無涯茫茫白一片吁嗟數日  
前大雨交雷電十日不放晴慄慄驚天變繳水蜿游龍盤空舞石燕莽莽大水來毀壩浸  
芳甸稻梁濡泥塗黍稷難登薦沿隄有人家濁流漫墻院姥姥念彌陀妻孥哭掩面少女  
更咽啼啓櫝藏織絹姊妹抱衣裳妯娌借釵釧牛羊觸籬愁黃犬搖尾爨老者忍痛言餘  
生逃一綫蒼天活殺人罹災誰慰唁道旁有哭聲聞之心胆顫惜被父母官琴堂正排晏  
熊掌與駝峯美酒雜精膳但博長官歡安知小民賤我雖局外人覩此亦愠見勃然拈我  
毫慨然磨我硯細繪流民圖竊作救荒傳昧死敢上陳封奏通明殿九重沛珠恩賜賑邀  
天眷放粥命委員散量派良椽災黎免溝壑望闕歡呼抃吁嗟乎寒儒作大言傷時空側  
弁

聞知議成有感二十八韻

并序

趙薌生

光緒二十六年庚子夏五月義和拳亂民搆費與英法德美俄日義奧八國失知風聞  
京津於七月間相繼失守兩宮出狩西安潤八月俄人佔據東三省八旗綠營時皆潰  
散所過州縣官民逃避一空土匪游兵乘機四起殺燒搶掠慘目驚心幸李傅相仍主  
和議天下人民賴以稍安然而蹂躪已不堪矣

滿目傷離亂餘生痛不辰中原非小彌列郡任沉淪擄掠兵皆賊逃亡富亦貧哭聲盈道  
路殺氣薄煙塵虜帥誠無敵華官詎乏人可憐膺爵賞偏忍負君親坐視三軍潰甘貽八  
國噸險將冠帶族斷送犬羊身雪憤宜圖霸修文在睦鄰平情追首禍肇釁誤拳民戰事  
同兒戲符言假鬼神妖魔焉有濟崇信果何因憲典援應戮王章貫未伸興戎隨藉口入  
冠反稽唇厖雞屯津衛猖狂犯帝闈夷情殊叵測野性遽難馴勢逼鷗張甚威加虎視瞋  
陣雲愁北壓法駕幸西巡宗社維全局安危仗老臣蒼生塗炭極丹詔赦書頻但願干戈  
息休嫌玉帛陳議和仍仿舊約款恐增新箴食迎如士羈縻館若賓低顏供芻米束手耗  
金銀都說盟將定荒聞恐失真心猶懸惴惴車尙響磷磷大劫憑天意羣黎戴聖仁明年



一樽酒共醉太平春

輓韓生國權二十韻

趙家幹

余去年設國文專修科生即來受業迨中學校添班招考生又來相從兩年師弟情好殷殷詎料天不假年玉樓赴另聞之甚愴余懷因爲此詩聊寄余感初不知字裏行間是字是淚也

自汝從游後居恒見性真憐渠殊瘦弱待我最溫純北棧論文日東堂授課辰及時勤奮勉攻業夙艱幸誠篤超流輩襟期尙古人出言常呐呐持已總恂恂抱恙當三月相違僅二旬驚心傳噐耗撒手脫凡塵孤苦拋嫠婦哀號動比鄰舉家齊隕涕同學盡傷神玉樹崇朝萎曇花一現新昔來爲底事今去又何因命薄庸醫誤情長象弟親蓋棺無子女掩泣有萱椿委化三千界浮生十七春青年翻作古白骨竟成陳隨露身先隕凌雲志未伸追維深痛惜瞻望屢逡巡永夜悲思切蒼穹扣問頻吟詩聊當哭燈下淚沾巾

民國

歲杪種珊倉猝避寇來城讀所示詩情詞抑鬱因作此以廣其意

趙家幹

世界本微塵何者爲我故吾人蟄其間淡然隨所遇君乃達觀人生平任氣數况有賢子孫濟免內顧前值小寇亂移家正歲暮愧無道南宅讓我良朋住所喜君小康賃資尙饒欲但得屋數椽即可免恐怖故鄉既不遠城內作流寓復有素心人昕夕獲良晤詩酒遂歡娛風雲恣吞吐曠夕樂天民餘水心自足

祁公亮廳長寄詩囑爲點定賦此答之

前人

杜門寂無事閒居少所歡詩篇堆滿案孤吟興易闌忽有素心人飛下雙琅玕上言長相思下言會晤難中附詩數什淋漓起波瀾辛勤午夜吟長吉嘔心肝佳章本妥貼猶以爲未安願與山澤癯俛首事雕鑽乃知有志士自律不敢寬我行良孤疇遭時白眼看君獨抑何好而引同調彈方今熱中者營營祿位千旁觀拍手笑悄謂兩寒酸

五律



清

咏威遠堡小塔山

張天馥

寶塔置山巔尖峯沒半天登高窮八極憑眺藐三邊貞觀平遼日勳臣董匠年遙遙千載下盛蹟至今傳

蓮渚春寒

訓導李 試

蓮淨渚塘寬花開錦色攢非秋香亦冷當暑氣猶寒韶秀依然是丰神別樣看共相傳異事盛夏似春殘

前題

訓導李如瑞

邊地猶多景雖憐君子花淤泥全不染溽暑定無加爽氣來山僻薰風傍水涯渚寒春略似紅映夕陽斜

五月四日驚聞家大兄怡軒訃音因爲詩以哭之

趙賡雲

別君八越月有夢到京師節屆端陽日書來絕命辭驚駭一家哭闕徧滿城知反 凶

帖吁嗟伯氏簷

原稿缺二俟考

其二

前 人

早知兄西逝深悔弟東旋遼水都成淚玉樓別有天得書撕紙裂扶襯許城穿伯道竟無子煢煢五十年

其三

前 人

昨宵觀列宿暮地墮文星乞命無絲續哭君有涕零孤鴛悲嫂苦斷雁托兄靈薄官二十一載清風兩袖冷

其四

前 人

二十年游宦去三度丁艱來大事雙親葬長天一雁哀兄悲跨白鶴我愧見黃槐披讀知非集遺編不忍開

弔友人穆毅亭團總陣亡

王毓琪

苦戰沒龍岡身亡志未亡義聲昭旭日軍律肅秋霜一滴疆場血千年團保光助君榮耀



意夜月滿祠堂

其二

前 人

壯氣冠團保是翁瞿鑠哉虎方探穴得人竟倒戈來傳聞君因賊討鄰邑兵自後擊之什邊塞留餘勇祠堂弔將才凶聞飛遠電驚觸舊交哀

暮雨

前 人

散步近黃昏濃陰壓短垣電催雷響急雲挾雨聲奔庭鴨洗簷溜池蛙喧郭門料當芳草徑屐齒印泥痕

送陳楚香廣文致仕歸

趙家幹

吾愛陳夫子空曹耐寂寥簞瓢七載苦行李一肩桃幽悶憑書解閑愁借酒澆驪歌君去矣千里路迢迢

其二

前 人

薄宦京華久歸來始知韓人欣同臭味譜遂訂金蘭聚會無多日消沈歎一官臨歧何所

贈寄語報平安

民國

新秋晚眺

王毓琪

邊城秋氣早晚眺水雲灣村小莊叢樹霞明顯遠山驚心雙鬢老無事一身閒誰與銷枯寂泉獨往還

秋城曉望

前 人

秋城憑堞望清興轉超然鳥鵲爭晴樹人家起爨煙遠山紅吐日寒渚白連天莫謂風霜裏登臨怯暮年

自記

前 人

暮日隱秋雲生徒歸路分喜開游子信閒讀幼時文長夜思彌苦衰年起尙勤歲回呼僕役課室掃塵氛

重九日作

前 人



此鄉無癘疫何事強登高茶冷催鑪火薪艱雜野蒿  
裕衣憐僕輩病蝶鬧兒曹堪羨離中菊凌霜性倍豪

擬於日暇與同事諸君及學生等創設詩社

前 人

塵氛慮我侵雅事靜中尋醫俗成詩癖偷閒習匠心膏油焚夜課桃李附新陰不憚霜髭  
撚宵來字字吟

自遣

前 人

風雨過重陽年華祇自傷領鬚霜遜白日力鏡增強剪燭償詩債封瓶斂酒香那堪街市  
問薪米價低昂

初冬之夜

前 人

簞豆任人嘲遑云肉滿庖冰生松徑水雀戀屋檐茅聯月爲閒友臨風憶故交夜窳眠不  
得鐘聽五更敲

春景

高毓岱

開原縣志

卷十二

藝文 詩

四一

開原驛文英印刷局印

水浴詠歸日陽春三月天青帘沽酒店白漿打魚船晒日衣翻蝶凌風紙放鳶一鞭紅杏  
里農野正耕田

南山道中

趙家幹

覽勝清波外藤輿石徑斜青山遙作態紅葉遠疑花秋老蟲聲急天晴鳥語譁炊煙林樾  
起知有野人家

出宰龍游張半園贈詩送行依韻春答

前 人

捧檄龍邱去雲山入目中白翻三尺浪紅映一江楓嚴瀨邀明月蘭谿醉晚風思君望天  
末兩地寸心同

次蔣宰棠孝廉送行詩韻

前 人

斗粟紛吾志長征趁曉星一帆馳遠道三疊唱離亭白水盟初定黃梁夢未醒愧君嘉勉  
意屢荷眼垂青

懷欒佩石同年即用其重九登極樂寺樓讌遊詩韻

前 人



遼海家何在依稀數點星朔風淒以厲孤館影隨形絕塞雲沉黑殘澄欲吐青羨君方運  
著不日秋來庭

其二

前人

計別吾叔度悠悠幾歲星有懷曾入夢交久頓忘形瑞雪飛來白寒氈擁處青明春擬訪  
戴樽酒話邊庭

送王種珊明經歸里度歲

前人

曉日散炊煙征送正著鞭君行當歲暮客路在春光時序殘冬偏歸期匝月還漫言祇小  
別相見尙明年

其二

前人

冉冉歲將殘離情叙轉難人歸西鎮遠天厭北風寒路坦行偏穩車遲睡亦安明年燈節  
後早日返征鞍

村居消夏

王鴻猷

開原縣志

卷十二

藝文

詩

四二

開原驛文英印刷局印

未識山林樂何如夏日長沁心泉水靜當戶竹風涼蘆筍尖於筆藤蘿綠過牆更尋門外  
徑時有稻花香

其一

前人

綠樹濃如蓋疎籬傍水涯花繁綠徑曲檐下碍風斜服務千封蟻笙歌兩部蛙村居多樂  
事小飲過鄰家

訪友夜歸

前人

握別日已夕歸途暮色饒畝間皆罷穫山下不聞樵輾轉越溝水迷離認板橋不投人處  
宿祇假一灯挑

其二

前人

生恨駒光速盍爲秉燭遊星疎夜色暗野靜水聲秋一火明旋滅三義認似不尫驚深巷  
吹知己到村頭

五絕



民國

雪後問張髯

趙家幹

孤山風雪後應有早梅開  
驢背一瓢酒髯翁來未來

自感

王毓琪

廉頗齒已衰祖逖鞭猶策  
爲問茆檐霜何如鬢髮白

移居後補窓

前人

擇地遠紅塵邊城且卜鄰  
不教窓有隙爲恐月窺人

薪漲

前人

求煖居移隩驚寒駐厨祇緣薪價貴  
不敢問樵夫

詞

詞以六朝爲最盛工其藝者爲李後主等人抒情寫意不亞於詩而繩以聲韻寄調限以曲牌諸名亦豈易擅長哉開邑精此道者甚少爰從舊志搜輯數首以備一格馬

清

開原八景

龍岡北枕

張峻德

突起龍岡鍾秀早首尾蜿蜒第一蓬萊島疊幃層巒齊合抱  
環城不隔青驄道向坎還應箕宿好枕作屏風北護同豐鎬  
聞說來遊人踏草蒼松樹下烟塵掃

清河夜月

前人

夜半清河開薄霧楊柳堤邊幾個人來渡  
月出東山光滿樹一聲漁笛蓬窗住  
浩森金波隨岸度萬派西流印徧香輪免最是團圓三五足挑燈願擬蟾宮賦

古塔朝霞

十二樓頭煙淡繞寺打殘鐘月落新鉤小  
景向禪關看縹緲崢嶸古塔超雲表  
五色霞光烘末了旭日騰輝暖徧扶桑曉  
二十丈浮圖仙境少凌霄直自赤城標

線河煙柳

前人



遠送清流奔巷口滿徑飛花裊裊堤邊柳慣折柔腰迎客走河中襯出香蓮藕莫辨橫空  
橋左右萬縷牽絲銷在煙痕厚試問眠琴人去否磯頭一個垂竿叟

仙石雲屏

前人

古寺樓臺雄且壯徧繞深林不比尋常狀佛殿階前風屢暢雲籬怪石爲屏陣數丈煙痕  
層跌宕早卜甘霖合慰蒼生望若遇媧皇施力量神功補就青天上

蓮渚薰風

前人

解愠薰風來鼓盪古水山前大地多宏敞幾度從南添氣爽吹成小渚新蓮長恍似虞琴  
操岸上一曲絲絃引得清飈響探去何人橫畫槳並頭出水丹心仰

榴城簇錦

前人

獨有高低峯六六峭壁爲城繚繞芳林木可作丹青詩畫讀雲巔湧瀉泉飛瀑吐滿榴花  
紅簇簇戲蝶尋香葉底來潛伏照倒珠明方悅目舉頭瞥見仙源鹿

松山象笏

前人

聳秀重巒非綠竹百尺青松繞住雲生谷塵尾全從新雨沐其中景妙堪娛目象笏朝天  
天山勢肅四面濃陰圍着虬枝木陡濤聲驚野鹿嶙峋恍上嵩呼祝



調 開原縣立師中學校校歌 2/4

5 黨 1 | 2 3 | 2 3 | 5 0 |  
 國 二 旗 舞 春 風  
 3 師 5 3 | 2 1 | 2 學 | 5 聯 | 3 2 | 1 堂中  
 範 中 學 聯 袂 一  
 2 好 2 男 2 兒 | 2 3 | 2 1 | 6 — | 6 0 |  
 努 力 行  
 5 民 3 國 | 5 教 | 1 育 | 2 3 | 2 1 | 5 擊 0 |  
 吾 輩 擊  
 6 最 5 可 | 3 羨 | 5 今 | 2 1 | 2 子 0 |  
 日 學 子  
 5 他 1 2 | 3 英 | 2 — | — | — | 1 1 0 ||  
 年 英 雄

調 開原縣立職業中學校校歌 4/4

3 3 5 3 2 | 1 1 2 1 6 | 5 5 6 5 6 | 1 2 3 2 —  
 遼東有古城開原縣名稱職業學校設其中  
 3 3 5 3 2 | 1 1 2 1 6 | 5 5 6 5 6 | 1 2 1 —  
 南倚水清河北枕崗黃龍可見夫人傑地靈  
 3 3 1 3 5 | 3 3 1 3 2 | 2 2 2 2 | 1 2 3 5 —  
 濟濟象青年學業勤而精超乎管鮑之高風  
 5 5 3 2 1 | 2 3 2 1 6 | 5 5 6 5 6 | 1 2 1 —  
 蔚成農商材培養有所宗勤勞節儉宜服膺

F 調 國 歌 4/4 歌 民 國

5 1 | 1 2 3 4 | 6 — | 5 3 | 2 — | 2 6 | 5 4 3 0 |  
 鄉 雲 爛 今 紅 纓 纓 今 今 今  
 1 1 | 1 7 6 | 7 6 5 5 4 | 3 — | 4 3 | 4 6 5 0 |  
 明 光 華 旦 復 旦 今  
 1 1 | 1 7 6 | 7 6 5 5 1 | 3 — | 2 | 3 2 | 1 1 |  
 日 光 華 旦 復 旦 今

調 中 國 國 民 黨 歌 4/4

1 1 | 1 3 | 3 — | 5 | 5 — | 3 | 2 — | 3 |  
 三 民 主 義 吾 黨 所 宗 以  
 1 — | 6 5 | 6 — | 3 | 6 — | 5 4 | 5 — | 0 5 0 |  
 建 民 國 以 進 大 同 啓  
 4 0 6 0 5 0 1 0 | 7 0 2 0 1 0 6 | 6 1 6 5 | 3 2 1 3 |  
 爾 多 士 為 民 前 鋒 夙 夜 匪 懈 主 義 是 從 矢  
 5 — | 6 5 | 5 — | 1 | 1 — | 6 5 | 5 — | 5 |  
 勤 矢 勇 必 信 必 忠 一  
 3 — | 2 3 | 2 — | 5 | 2 — | 2 3 | 1 — | 0 ||  
 心 一 德 貫 澈 始 終

開原縣志 卷十二 歌

四五 開原縣文英印刷局印



ㄘ調 開原縣立第三小學校歌 ㄗ4

1 5 3 2 | 1 1 2 1 6 | 5 3 6 5 3 | 2 — 0 |  
 日新 月異 何 時 3 聆 受 經 多 少  
 2 3 5 1 6 5 | 6 5 3 2 5 — | 1 6 5 3 5 6 | 5 — 3 5 3 2 |  
 諸 生 每 日 被 春 風 母 校 常 聚 首 一 堂  
 1 — 1 1 | 6 6 5 1 1 6 6 | 5 — 2 2 | 1 6 5 — 3 2 |  
 中 師 訓 課 程 應 猶 在 原 是 第 三 校 學  
 1 — 2 1 3 | 5 — 6 5 | 3 5 6 5 3 2 | 1 — 0 |  
 友 還 得 幾 時 修 纔 得 一 世 英 名 萬 古 留

D調 開原縣立第四小學校 歌 ㄗ4

5 6 5 3 | 2 1 2 3 | 5 5 5 6 | 5 0 |  
 縣 城 東 南 龍 岡 之 旁 清 濟 寺 故 鄉  
 3 5 3 2 | 1 6 1 2 | 3 3 2 3 | 1 0 |  
 自 改 學 校 風 景 優 良 聲 名 振 邦  
 1 2 1 6 | 5 3 5 5 | 6 6 6 1 | 5 0 |  
 學 生 自 勤 教 師 輔 導 猛 進 軼 倫  
 3 5 3 2 | 1 6 1 2 | 3 3 2 3 | 1 0 |  
 改 良 社 會 健 全 國 家 我 等 職 責 長

8調 開原縣立女學校歌 ㄗ4

5 6 5 3 | 2 1 2 3 | 5 5 5 6 | 5 0 |  
 共 和 建 國 憑 教 育 促 進 文 明  
 3 5 3 2 | 1 6 1 2 | 3 3 2 3 | 1 0 |  
 女 同 胞 也 應 奮 起 力 與 競 爭  
 1 2 1 6 | 5 3 5 5 | 6 6 6 5 | 6 1 5 行  
 初 高 小 學 頻 開 擴 師 範 初 中 日 進 行  
 3 5 3 2 | 1 6 1 2 | 3 3 2 3 | 1 0 |  
 閨 閣 儲 才 貯 看 桃 李 滿 春 城

ㄘ調 開原縣立第一小學校 歌 ㄗ4

3 3 2 1 | 5 6 5 | 1 1 6 1 | 5 0 |  
 人 生 在 世 須 求 學 立 志 為 英 豪  
 6 6 1 6 | 5 5 3 | 2 2 1 2 | 3 0 |  
 礪 礪 研 究 趁 年 少 切 莫 辭 辛 勞  
 5 5 3 2 | 1 2 3 3 | 5 6 5 3 | 2 0 |  
 不 要 因 循 不 要 矜 驕 前 途 展 龍 韜  
 1 1 2 1 | 6 6 5 | 1 2 1 6 | 5 0 |  
 誠 仁 勤 勇 訓 育 標 品 行 貴 甄 陶  
 3 3 2 1 | 5 6 5 | 1 1 6 1 | 5 0 |  
 智 德 體 羣 美 校 徽 實 踐 要 堅 韌  
 6 6 1 6 | 5 5 3 | 2 5 3 2 | 1 0 |  
 提 撕 規 勸 沐 德 教 地 厚 共 天 高



調清真小學校歌

/ 1 3 2 2 | 2 2 3 3 5 - | 6 6 5 1 | 6 6 | 5 5 3 2 - |  
 男兒今自強 萬事要擔當 經天與緯地 立本在鋼常  
 1 1 2 2 5 5 | 3 3 5 5 6 - | 1 1 2 2 6 5 5 | 6 6 6 1 - |  
 看古來英雄幾 兒時把名揚 蹉跎今歲將 不能出於鄉  
 1 1 1 2 1 6 | 5 5 3 1 2 - | 3 3 2 1 3 5 5 | 6 6 6 1 5 - |  
 童方九歲預先 已播姓字香 項橐七歲即向 師席早翱翔  
 1 1 1 6 6 5 5 | 3 3 2 3 5 - | 2 2 2 1 6 6 5 | 2 2 3 2 1 - |  
 我後生幼稚時期為國棟樑 清真學校教育良 受教莫徬徨

開原縣志

卷十二

歌

四十七

開原驛文英印刷局印

按諸藝之中歌為最古自唐虞以迄民國莫不有精此道者况更以琴音和之聲  
 謂尤易動人開原自學制變更各校生徒罔不嫻習斯編首國歌次黨歌終以各學  
 校歌殿之卷終亦以寫鳴盛之意焉爾





F 調 開原縣立第七小學校 歌 3/4

1 5 5 3 5 | 1 3 3 2 3 | 3 5 6 5 6 | 5 6 1 6 1 |  
 開原城西關 慶雲橋西邊 縣立第七校 風景甚優  
 教員有四人 協力又同心 不徒務外表 注意真精神

1 6 5 3 5 | 6 5 3 2 3 | 5 3 2 1 2 | 3 2 1 6 1 |  
 綠柳密成陰 空氣又清新 課室光線足 有益於衛生  
 教學主自勵 刻苦貴實行 我等來求學 奮勉甚用心

C 調 開原縣立第八小學校 歌 4/4

5 6 5 3 5 | 1 2 1 6 5 | 2 3 6 5 3 3 | 2 1 2 3 0 |  
 小小桃李場 培植灌溉 莘莘學子 莘莘門牆

5 6 5 3 5 | 1 2 1 6 5 | 2 3 6 5 3 5 | 1 3 2 1 0 |  
 五育今並重 設備完全 美輪復美奐 宇優良

1 1 2 1 6 | 5 6 5 3 5 | 1 1 6 1 5 | 5 1 2 3 2 1 |  
 採智誠節孝 作四字薪傳 訓育又多方 精鑄鍊之百鍊

5 6 5 3 5 | 1 2 1 6 1 | 3 3 2 1 6 | 5 1 2 3 2 1 |  
 既藏修息遊 亦入室升堂 成蔭看他年 振贖地無忘

開原縣志

卷十二 歌

四十八

開原縣文英印刷局印

C 調 開原縣立第五小學校 歌 2/4

6 1 6 5 | 6 1 6 5 | 6 1 5 3 | 2 0 |  
 乾坤秀氣 鍾毓龍岡 我校臨其 旁

5 3 5 | 2 3 2 1 | 6 6 1 6 | 5 0 |  
 右安遠 後倚牆 進步無 量

1 1 2 3 | 3 ——— | 6 1 5 3 | 2 0 |  
 春來花簇 錦 桃李滿城 香

5 3 5 | 2 3 2 1 | 6 6 1 6 | 5 0 |  
 功課好 教法良 化日慶舒 長

1 1 2 3 | 3 ——— | 6 1 5 3 | 2 0 |  
 新秋登城 望 瓏畝盡雲 黃

5 3 5 | 2 3 2 1 | 6 6 1 6 | 5 0 |  
 飄白雪 映課堂 我輩作燈 光

G 調 開原縣立第六小學校 歌 2/4

1 1 6 5 | 5 5 1 1 | 2 2 2 1 | 2 雅暇 |  
 全弟 城兄 校姊 址妹 惟我第 六 倫

3 2 1 1 | 6 6 5 5 | 1 2 2 2 | 1 嘉差 |  
 空螢 氣窗 新前 陽雪 光案 足上 衛生問 最果 可無

5 5 5 5 | 3 3 5 5 | 1 1 2 2 | 3 塔涯 |  
 閱成 岳大 祠名 清建 濟偉 寺業 相後 連望 古甚 寶無 塔涯

5 5 6 6 | 3 3 5 5 | 1 2 2 2 | 1 薩加 |  
 西身 北榮 方聲 隔揚 隔父 隔母 地師 藏翠 著增